

# Jekkabaatra



World Vision

Cikela ceman n'a musoman kunnatoniseben

a be bo kalo o kalo

Jamana baarada la BP: 2043 Bamako (Mali)

## Cikemasinw labenni joyoro ka bon soroko la

Pe 3

### Dantigélikan

An be samiñe tigitigi waati la sisan. O ye daamuko ye, barisa bee lajelen ka diñenatige hère be samiñe kecogo de la diñe fan bee fè. Sènèkelaw ni ce dèrè. Kuma te sènèkela sodansow ma. Aw m'a ye, diñe bee be yele olu kòkolo de kan dèrè. Nin yoro ye n hakili jigin Kitakaw ka dankelen ka dònkilisen dò la. Jabaté Cèkòroba ko : "Aa sènè ; aa sènè ka ni dè. N'i kéra komi ye, ka tile sèbenni na, ka si sèbenni na, n'i ma dumuni ke, i n'a dòn ko sènè de ye koba ye". Owo dèresi. Nin ye tiñe ye dèrè ! San waati in na, cikelaw ni foli ni taanuni ka kan dè. Olu minnu ye yèremakone ani maa-were-makonew ye. Ka daba yalon ka dugukolo mònè bo a ka dimi kan. Koɔri ni tiga ; woso ni fini ; jaba ni mangoro... olu n'u nɔgɔnna caman sènebagaw, aw ni fasodennumanya dèrè. San 2002 samiñe in, Ala k'a ji nafama caya an ye ; Ala k'an galabu fana sɔmèdon k'a yèremɔnèbôbaara ke a nema.

Tumani Yalam Sidibe



### Fâna CMDT cikemara lahalaw

Pe 4-5nan

### Fen min mana ne dòn ka teme nebo kan, a ciliko b'o kono


Pe 8nan

### CMDT be baara la keleya

Pe 10-11-12 nan

"Kalan be mɔgɔ sɔn hakili la, nka kunnafoni be mɔgɔ bo kunpan na". Yoro Ulen Sidibe

## Koɔri sannifeere lahala



Dawuda Mace Dawo

I n'a fō n y'a kunnafoni dili damine aw ye cogo min kabi sannifeere kūnfōlōw la, n bēna taa ne n'o lahala kelen kunnafoni dili y'aw ma. A ka c'a la, ni nin ma ke koɔri sannifeere taabolo kunnafoni laban ye, a dita tō tēna tēmē kunnafoni dita nata kan.


Cikemaraw	Sorota bisigilen	Sorota waleyalen (toni hake)	Kemetilada %	Kōlosiliw
Fana	105 000	91 489,902	87	
Buguni	90 920	88 597,624	90	
Sikaso	107 010	95 687,879	89	
Kucala	150 000	144 038,019	96	
San	57 050	56 162,117	96	
Kita	36 520	36 042,025	99	
CMDT ka sorɔ kuuru	55 4 500	512 017,566	92	
OHVN ka sorɔ kuuru	36 148	31 189,385	82	
Mali ka hake kuuru	592 648	543 206,951	92	

I n'a fō aw yere ye hakew ye cogo min na, baara kera haali koɔrisenewaw fe. Olu ni CMDT ani OHVN ka wulikajō de bēna ke sababu ye ka jɔyɔrɔba di Mali ma Afrika mūmē kōnɔ, koɔriko nasira la. O ye Alataanuko ye. Walasa baara juman in ka ke san o san, ko lākurayata ye, n b'a nini an ka cikelaw fe u ka ladilikan ditaw matarafa, u bēna minnu sorɔ jekabaara bokɔ nataw kōnɔ. furakeli waatiw kan.

Dawuda Mace Dawo  
CMDT Kalanfakuntigi -  
Bamako


## Hakillesenkēnɛ

Maa yecogo, a minecogo an'a ladoncogo maaw fe, o be bɔ a yere de ka dinenatige taabolo la. Ni maa min y'a yere ke daga min kōnɔfen ye, maaw b'o kōnɔfen keminen nini ka bén o hake de ma.



Tumani Yalam Sidibe

## Kalo ladilikan



Zan Dosayi Jara

Kalo salen boko kono min ye zuwenkalo ta ye, n da sera san labenni baara kolo girinw ma aw ye. O hukumu kelen de kono n bëna taa ne n'o ladilikan to ye. N bëna kuma aw ye koori furakelimasinw ladonni de kan sen in na.

Femin ye tubabunogo ye, an y'a kolo si ko cikela dòw t'o don a dontuma na. An dun y'a jira u la ko "mónikuru-nogo" bore saba de be don tari la danniwaati. Ni maa min ma se k'o ke, a kewaati mænnenba ka kan ka ke tile 15 ye danni kofe. I b'a don foro la korenni folo senfe. Fen min ye nogo jemannin ye, n'an k'o ma ko "ire", o mænnenba koni ye kalo kelen ye danni kofe. N'a y'o waati teme, n'i y'a don koori feere tuma, a feere folo bee be bon.

O sababu be ire baga farinya la. An be se k'a fo ko geleya min b'an kan, o ye ko cikela caman te noggodon ke joona. An be min jini

u fe k'o geleya, o ye ko n'u ma se k'u ka foronogodon ke danni senfe, a mænnenba ka ke tile 15, walima kalo kelen ye danni kofe. O b'a to nogo be nafa don koori la. O temenken kofe, geleya were min b'an kan, o ye furakeli ta fan ye. Dow be yen, olu te don u ka foro kono k'a laje, n'a y'a soro koori tijé ntumuw y'a damine, n'u m'a damine. Ntumu dow dun be kon ka don koori la, an ko min ma ko "Ngelenntumunin". Ni maa ka koori ye kalo kelen soro ka ban, i ka kan k'i senna caya a kono. N'i y'a ye ko ntumuw ye tijé damine, i be kon ka furakeli folo ke. Koori nafa fanba dun b'a feere folow de bolo. Olu de be ke den folow ye. Koori den folow dun be girinya ka teme koori to bee kan. Ni den kufolow taara k'i dan, i fana ta be ke" n ye - koori-soro ye". Nk'o girinya te kun folow ta bo. A ka c'a la fana, hali ni koori tijé ntumu kera bofen ye setanburu kalo la, a ka tijéni te se ka fen lase den kun folow ma. O bee de ye koori danni joona nafa ye.

Fen min ye furakeli ye, an b'a jini cikela f'e, u k'u hakili to o la kosebe. N ye min fo dannikemasin ladonniko la, n b'o kelen fo fana furakeli masinw kunkan. I n'a fo n da sera a ma cogo min na, an ka kan k'an ka minenw bee de lajéni minenw dafalen don walima u dafalen te.

An be furakelimasinw segesége ni fijé t'u la. N'an be furakeli ke fana, an ka bizi laje; barisa bizi min be ke ka furakeli folo ke, ani bizi min be ke ka furakeli laban ke, olu te kelen ye.

Sanni koori ka tu, i sen be se ka teliya dannisiraw ni noggon ce. Koori mana tu, i sen te se ka teliya. N'i y'o furakeli bee ke ni

bota hake kelen ye, o bëna ni tijéni ye. O de kanma bizi te kelen ye.

An k'an hakili to a la fana an ka koori furakejiw ka ke CMDT ka dilenw y'an ma.

Barisa hake min ka kan ka ke furakeli kufolow la ; min ka kan ka ke cemance ta la, ani min ka kan ka ke furakeli laban na, o bee dantigelen don CMDT ka fura dilenw kan. N'i y'olu laje, i te fili.

N'i dun y'i ta da diyali f'e, ka fura were san ten i kufes, i te min boyoro don, a ka c'a la, o bëna ni tijéni ye. Barisa fura min ka kan ka ke laban ta ye, n'e nana o ke ka folo ke, a te mako ne. O temenken k'o, i b'a soro fura dow be yen yere minnu labaaraati temenken don. I b'o ke k'i ka koori foro furake, a tena mako ne.

Nka, n bëna segin furakelimasin-kö kan. An y'a jatemin ko cikela dow be yen, minnu te furakelimasin bo furakelimasin na. U be binfagafura ke ni masin min ye, u b'o kelen de ke ka koori furake. O dun na, n'i ma masin ko a nemä furakeliw ni noggon ce, a laban, binfagafura bëna ke sababu jugu ye koori ma. E mana kaba binfagafura ke koori la, i y'a don k'o ma ni o ma de. A be tijéni lase koori ma. An b'a jini cikela f'e, u ka binfagafura ke n'a danmamasin ye, ani ka koori fana furake n'a danmamasin ye. N'an dun ma ne a bee keli k'o ni furakelimasin kelen ye, an k'an jija ka masin senuya binfagafura kelen kofe, sanni an ka koori furake damine, fan ka d'a la k'a tena maasiba lase koori ma. An k'an hakili to nin ladilikanw na. U be tali ke zuwenkalo ni zuluyekalo baaraw la.

K'an be utikalo bokó.

Zan Dosayi Jara

## Fana CMDT cikemara lahalaw

**N**in ye nininkalisenw ye, jekabaara sebenjekulu ye minnu ta ka nesin Fana C M D T cikemara nemaaaw ma. Nin yoro in na a senekelaw layiriwali neginibaarda nemaa de ka jaabi bëna di aw ma, n'o ye CDDR ye.

**Fuseni Togola.**

An b'a jira aw la ko jekabaara ka ciden ni Fana arajoso kolonbada nemaa de ye nininkali ninnu bëe ke nogonfe, n'o y'an bali-make Modibo Makonon Kulibali ye.

**Nininkali :** *An balimake Fuseni Togola, an b'a fe i k'i yere kofo jekabaara kalanbagaw ye.*

**Jaabi :** Tabaarikala. Aw arajoso maaw ani jekabaara maaw, ne ka foli be aw ye. Ne togo ye Fuseni Togola. Ne de ye Fana CMDT cikemara cikekuntigi ye. Baara o baara be tali ke koorisene ; noseni ani cike taabolo were kan, fen o fen ye cikedugu kunkankow ye, ka hakili di musow ma, ka cew bilasira baara kekonuman siratige la, fen o fen ye cikemasinw kunkanko ye, fen o fen ye senenafafenw laseli ye cikelaw ma, nin bëe be don anw ka baara kadara kono. An b'a fo o de ma ko cike taajne.

**Nininkali :** *Ayiwa Togola, an b'a fe k'i nininka, aw ye yiriwasira minnu taama seneko siratige la, barasan temenenw la, an b'a fe i k'i da don olu la k'u fasari an ye.*

**Jaabi :** Yiriwa koni de ye cikelaw ni cikela nemaaaw bëe ka lanini ye. San temenenw la, Fana mara kera balawuyoro ye, min y'a to cikelaw ni cikela nemaaaw ma se ka nogon

faamu. O kera sababu ye ka cike nagasi anw bara yan. O te koori dörön ko ye. Hali jo ni majö, ninnu si ma se ka sira soro. O de koson, san temenen in na, an ka baara föl kera nogonye caman sigili ye sen kan an ni cikelaw ni nogon ce. Bees b'a fo ko jekafö de ye daamu ye. O jekafö kono, cikelaw ye kuma caman fo, an ye, an ye minnu faamu. An fana ye caman fo cikelaw ye, u ye minnu faamu. Jekafö olu bannen ko, an y'an nesin baaraw ma. An ye koorisidi cikelaw ma fo k'u nisondiya. An y'o koorisidi segesegé, a kera koorisidi numanba ye. Ala fana y'an jaabi, barisa ka bi mekalo tile 10 laban na, sanji ye nali damine k'a ta Marakakungo fo Masigi yorow la. O kera daamukoba ye. O kelen cikelaw fana y'u nesin u ka koribaaraw ma.

O temenen ko, u wulila majö taw fe, fen o fen b'u ka san baara boloden kono, u y'o bëe ke. Baara ma dan sumanw donini dörön ma. An y'an nesin bin seneni ni köröbarili ani forobaara tow bëe ma. O kera ko numanba ye. An y'an nesin daabaw ladonni fana ma. Fen min ye samine bannen ko foronin binni ye (söforoninw...), o fana ma ke bolokofeko ye ninan.

An gërela arajo la fana ka ladilikan kuma caman fo cikelaw ye. O ladilikan kumaw berema tun be tali ke korifurake kan. Salon gelcyaba soro la korifurakeli siratige la. Korifurake dun nafa bëe b'a kunfolow de keli la u waati la. O de kama an gërela cikelaw bëe la k'u nininka n'a y'a soro u ye furaji min ta, n'o be se ka koori furakeli ke fo ka se woɔronan (6) ma. Fura dafalen soro la minnu bolo, an ye ladilikan d'olu ma. Furadafalen ma soro minnu bolo, an y'olu ta dafa. U ka ni wa ? Nininkaliw kera ka bila u labaarawaati ne. O baara kera

sababu ye ka ntumuko bali ka juguya anw ka mara la. Koori nana ci. Sanni koori bees cilice, an ye koori böcogo numan kalan ke koortigw ikun. O bees be kekonuman kofe, sannifeere daminen. An ma baasi si soro ninan sannifeere la. An ma geleya si soro a la. Koori bölen fanba kera koori numanw ye. O b'a jira k'an ye baara minnu ke salon, k'olu y'u kekun ne. Caman farala soro kan. O ye cikelaw nisondiya, ka baarakelaw yere fana nisondiya. Cikelaw n'an CMDT baarakelaw ni nogon ce, an ma geleya si soro.

**Nininkali :** *An ne b'a la, aw ka baaraw taabolow ka ca. Nka, ninan san in na yali aw bëna aw sinsin taabolo kerenkerennen jumen kan ?*

**Jaabi :** Ninan san in na, an bëna baara kologirin fila de ke. Fölo, o ye cikelaw labenni ye. Filanan, o y'an nesinni ye baara yere kecogo ma. Fen min ye cikelaw labenni ye, salon, APC, n'o ye AW sariyalatonw ye, an ye baara caman k'o siratige la. An sera ka APC 170 sigi sen kan an ka cikeko woɔro (6) kono. APC ye sariyalaton ye o ye tine ye. Nk'a maaw ye maaw ye minnu b'u nesin baara ma, u ka baara taabolo tilennen don. Fen o fen ye damatemejuru ye, u be kuma u ni nogon ce walasa o kana ye cikelaw la. Ni damatemejuru dun te cikela min na, ne hakili la, o tigi ka soro be ke dafalen de ye.

An y'o netabaara min damine salon; an be do fara o baara de kan ninan. Minnu kera ka ban, an b'olu jukoromadon baaraw de ke.. An ka lanini ye ka APC ninnu sigi sen kan, fo k'u hake se 300 ni k'o la.

Fen min y'an ka baara kecogow ye sa, n'o y'a feerew ye, an b'a fe bees k'a bolo don koorisene na ni hakilisigi ye. Kele t'an ni cikelaw ce.

**A to be ne 5 kan**

Ne 4 to


Hakilisigibaara ye jumén, ye ? O folo ye noggó ye. Farafinnogó. An ka mara ye koorisénemara de ye. Bëe dun b'a dòn ko koori ka jugu dugukolo ma. N'i dun ye farafinnogó tóni duuru (5), fo ka se tóni tan ni duuru (15) ma, n'i y'o don tari kelen na, i bëe san kelen fo san 3 ke ka soro dugukolo mako ma se farafinnogó wërema. Awa, farafinnogó bëe dugukolo dilan. Jìnán, an b'a fe k'an sinsin o de kan kosebë. N'o bora yen, fen min ye baarakéminenw ye, an b'an sinsin a kan kosebë ninan, lakoliden yëre ka taa foro kono cikélaw nöfë, k'u ka minenw laje n'u ka ni walima n'u ma ji. Arajo maaw ani jekabaara maaw, an bëe min fo an ni noggón ce, cike in daminetuma mëenna. Céköroba minnu bëe yen sisán, n'kolu de tun ye denmisénw ye. Olu cékörabayalen de bolobora denmisénw fe forow kono bi. O denmisénw dun ma kalan soro i n'a fo céköroba ninnu ka waati la. Wajibi don an k'u kalan. O de kanma, ninan, an bëe bolofa de fara minennabaara kan. Minen ka ca anw ka mara la de semuwari (dannikemasin) ; wotoro ; dabanjana ; bilanin, ninnu bëe b'an ka mara la yan. Nka, k'u labaara a kécogo numan na. A kana ke an ka dugukolo faarifaari ten ye, nka laburu numan ka ke walasa ji nata ka don dugukolo la a nëma, an b'o baara de ke. Ni dugukolo labaarako nëna, ji bëe Ala de bolo, nka ni laburu kera a nëma, a bëe ke sababu ye, jiba nata ni jinin nata bëe ka don dugukolo la a nëma, tile kana fen tiës a ye. A te digi koori la, a te digi maajo na.

Fen min fana ye tubabunogó ye, an k'a dòn ko nafolomafen don. Cikélaw dun bëe k'u seri forokono ten, o ma ji. Barisa, ni ji nana, ji b'u ce ka taa n'u ye. N'i dun y'a donkojuman ke, a ni farafinnogó bëe noggón dafa.

Suman bëe wuli ni barika ye. Awa, n'a sera denkewaati ma, a bëe

den caman ke. Fen min ye koori ta ye, a bëe den ke kabini koori damineyòro la, fo ka se koori in kunna. O de koson, an b'a fe k'an sëbe don noggó donni kalansenw ma. An ye do k'o kalan na salon koyi. Nka, an t'an farifaga, barisa an b'a fe cikélaw bëe k'a faamuya. An b'a fe tari soro ka ke soro dafalenba ye. Fen min ye furakeli kalanw ye, hake min ka kan ka ke tari la, furakeli min ka kan ka ke waati minna, an bëe ta ne n'o kalanw ye, fo cikélaw bëe k'u faamu a nëma. Furatiri hake tataw kalan, an b'o baa raw sigi sen kan. Ka furakeli damine kabini koori danni tile 30 fo ka t'a se a tile 35 ma, ka furakeli damine o la. An b'o nöfö cikélaw ye, ga ni ga ; foro ni foro.

N'o baara kér'a nëma, n dalen b'a la an ka ninita bëe lasoro, n'o ye tóni kelen (1) ani kilo këmë fila (200) soro li ye tari la. Baara keminen dë b'an bolo n'o ye cikela kelen-kelen ka soro hake jtamieni ye tari la, an y'o baara ke ka ban. San damine in na, an bëe se cikela kelen-kelen bëe ma, k'a ka soro fo



a ye tari la, ani wale min bëe se ka ke sababu ye k'a bin.

N'a y'a soro i ka bin bëe bëe farafinnogó donbaliya de la, walima n'a bëe soro wale wëre de la, an b'o bëe nöfö u ye.

**Jininkali : e dun ka wele ye jumén ye ka nesin i ka cikélaw ma.**

**Jaabi :** Cikela ye maa sëgennéne ye de. Ni san nana, i b'i ka foro la. Ni tile bora, i b'i ka foro la. I ka foro sëne ka di, e de b'a sëne ; i ka foro sëne man di, e de b'a sëne. Nka, fen kelenpe min bëe yen, n'o bëe se ka nafa lase maa ma yorónin kelen, ne hakili la, o ye cike de ye. O koson, ne bëe wele lase cikélaw ma. U k'a dòn ko samiye ni ko wëre te bën. cike koni ye cike de ye. Maa man kan k'a ke dögçjugujoko ye. Ko n bëe ko fila ke noggón fe. Fen min ye cike nafamayòro ye, o ye sunsoro ye. Walasa i ka sun caman soro, fo cikela bëe k'i nesin farafinnogó de ma. Baaraw ka damine kabini dugujalanci. Funteni bëe cogo min na ninan, n dalen b'a la sanji bëe teliya ka na. Ni san konna ka na, a kana an t'an boloma. A kana a soro an labennen don. A n'an ka minenw bëe...

Fen min fana ye lakolidenw ye, olu ka taanikasegin caya cikélaw ni noggón ce. Cikélaw k'a dòn k'u bëe yen u demeni n'u bilasirali de kanma ka noggónfaamuya, ka noggón dòn noggón bilasirabagaw ye.

**Jininkali këbaaw**  
Tumani Yalam Sidibe,  
jekabaara togola la  
ani Modibo Makono Kulibali,  
arajo Kolon bada Fana  
A to bëe boko nataw kono

**Kolosili: Boko nata kono,**  
**aw bëna Fana**  
**cikemarakuntigi yëre**  
**fetaw kalan jininkali**  
**jaabi senfe**

## Depite-kalafiliw bë senna ka na Depite-kalafiliw bë senna ka na

**M**alidenw tilalen kō u ka jamanakuntigi-sugandi-kalafiliw la, u bëna u nesin depitew ni mériw sugandi-li-kalafiliw de ma. Fen min ye depitew ta ye, o ko barika ka bon

b'an ka sigida n'an ka lamini taajesiraw boli la. Mériw y'an yérew dō de ye. Ni peresidan ani jamana depitew bëe ka fanga bë faso kunda, mériw ka fanga y'an yérew nagakoroko ye. An ka



haali, barisa, politikiton min ka depite hake mana caya depitebulon kono, minisirijemaa bë sugandi o ton de fe, ka jamana labaara peresidan fe. O t'a banen ye. Politikiton min ka jama mana caya haali depitebulon kono, maa bë se k'a fo k'an ka Mali ka jetaasira bë teme o ton masina de ka taasira fe. Nin bëe de kanma, n'an bë depitew sugandi, zuluyekalo nata tile 14, an k'a ko ke fasokanu kadara kono. N'an bë maa minnu sugandi, o k'a soro an seereyale b'a kan ni misali sinsinnanw ye, k'o tigi ye maa ladiri ye, min t'an hakili soñe ka depiteya soro, ka soro ka ninne an k'o. Fen min ye mériw ye, olu yere ka ko bë nin bëe nefe, ka masoro olu de b'an kunna sigidaw kono, olu de bolo

djinénatige taabolo bëe b'olu de kaman koro. An bëe bë nögon dòn sigida kono. wa, a ka c'a la, an bë sigida dugulen de sugandi an ka mériya kanma. An bë bë ka kewale körw dòn. "Karisa b'a fe an k'a sugandi ka k'an ka méri ye walasa a ka jetaabaaraw sabati an bara. Yali, ka kón nin bëe ne, a delila ka mun k'an ye adamadenya walima ladiriya hukumu kono. Politiko te Alako ye. Nafako don, min te maake-lennafa ye, nka jama ka bönogjla nafako. O kanma, n'an bë kalafili ke maa min ye an ka mériya kanma, o k'a soro an tigera a kan k'o tigi ye mögo ye min bë sigida kanu, n'a darokuma nöfeko maloya b'a la.

Tumani Yalam Sidibe

## U ko U ko

Maa na o na, nötemayçro b'i la. N'an bë nögon kanu jogoyuna kono, an k'an ne tako caman ke nögon jogojuguw kan, ka nögon jogo numan ye ka caya.

Poli Senu

Ka bë Bibulu kono

N'a yamaruya tun bë ne bolo k'a yamaruya ko maa ka sujudi bin dafen wëre ye, ne tun b'a yamaruya furumuso ka sujudi bin a furuke ye.

Cibaa Mohamadu arasulu

Muso densorobali kafisa ni muso boroke ye. Awa, muso boroke fana kafisa ni muso denjuguwolola ye.

Seyiba Mamadu Kamara

Jeliba, ka bë Mananbugu - Bamako

Ne bë n ka sanduuru fanga in bila denmisénw ka hukumu kono. Nka, n'b'a nini fasodenw bëe fe, an ka fara nögon kan fasobaara kanma.

Amadu Tumani Ture  
Mali peresidan kura

Maa meennna cogo o cogo nemaaya sigidilan kan, wulidon b'i la don dō ka bë a kan. O don de jama kecogo b'i cogoya fi ye. Ala kelenpe de bë yen, maanemaa kelenpe te yen. An k'a ke ka ne, n'o kera a bë fo ka ne an k'o.

Basi Togola

Ka bë Bagadaji kin na - Bamako

N'i y'a men morike da ko : "subanalahi" i wuli k'i ma bë a la. A ka jugu a nöfe walima geloya b'a kan. Nka, n'i y'a men morike da ko : "Alamudulahi" i magere a la dëre. O ye hërs ye. N'a bolo te dëdunyoro la, a bë ka taa dëdunyoro la.

Sekuba Trawele  
donsogoniëla - Bamako

N'i ko ko muso te fen ye, ni a dō t'i bolo, e yere te fen ye. N'i ko konafolo te fen ye, n'a dō t'i bolo, e yere te fen ye. Warabilen mana jiri dòn cogo o cogo, duga b'a ni san ce.

Jeli Dawuda Danbele  
ka bë Denso (San)

## Sidato do be kuma

**M**aaw be Sida fo, u ta dōn. N'u tun b'a dōn u tun t'a tulonkomine. Sida be ne na a mēenna. Nka, o dankenemayara ne ye san 1999 utikalo de la, pōnza dōgotorōsoba la. Sanni o ce, waati bēe farifaga n'a banajugu serew tun ye ne taalan ye. Bi bi in na, sōcōcōnijē ni fogonfogonbana werew be ne na. Ne

mogo min ma sebennan, se ka ban tagali ma, bawo dijē ye taa-ni ka segin ye. Taa be, segin be, wa seginbali ya fana be ; tile n'a ka dawula bēe, n'a kun bora, a mēen o mēen, a be bin. Wa adamanew ni dantan fen bēe b'o cogo la ; mogo si te to si ye. Nka mogo dōw be sa. K'u nege to dijē na, i n'a fo Funkōn Dawu.

Funkōn Dawu ye jōn ye ?

- A bangera san 1952, Sukoso Kunana mara la ; a ye lakolikalan ke Zangaso san 1964, ka laban ka balikukan kun fōlo ke san 1982 sirakele. San 1982 waati, a ye "AV" sekereteriya kalan kun filannan ke Zebala. San 1983 waati, Funkōn kera Sukoso "AV" sekereteri fōlo ye. San tan o kōfē (1993), Funkōn ye balikukan do ke Pokoso. San 1994, waati, a ye do ke Leleni. O san yelema (1995), a ye balikukan do ke Karangaso.

San 1987, Sukoso kelen "Aweba" kelen ye, wele bilala Funkōn ma k'a ke o "Aweba" in sekereteri ye ; cikēda 102 tun b'o "AV" in kōnō. K'a ta san 1993, ka t'a bila 1994 la, o "AV" in cira ka ke "AV" saba ye, Funkōn kera "AV" filannan sekereteri ye. O san kelen kōnō, Funkōn kera "AV" saba in bēe ladibaga ye ka d'a ka faamuyali kan.

San 1992, senekelaw ka ton min be gantara zayeri la, "Sycow", Funkōn k'er'o sebēnko jenabobaga ye. "Sycow", Funkōn kera saben ko jenabobaga ye. Funkōn Dawu ye san 17 ke Sukoso "AV" jemogoya la. O san 17 kōnō, a ye san 8 ke gantara zayeri Kōrō t'a ka juru to mogo la. Funkōn y'a joyōrō bila ka d'a si korobayali kan, o kera san 2000. San 2, o kōfē; Funkōn Dawu dara i ko nkēremasa : jaa jofen bēe be da ! Funkōn ye dijē to san 2002 nan tile 6, k'a si to san 50 la ; a ye muso 2 ni den caman to a kō. Tiye don Funkōn dara, nka a ma sa bawo a tōgo te tunu. Ala ka lahara fisaya a ma ni dijē ye.

Bataki in sebēnna a baarakēnōgōnw fe :

- Burama Kōne : sekereteri "AV" sukoso I
- Bakari Damele : sekereteri "AV" Sukoso II
- Dawuda Damele : sekereteri "AV" Sukoso III

Jekabaara jemogoyaso n'a baarakela bēe ka dugawu be ka se fure ma, ala ka hine a la, k'a dayōrō sumaya.

ka Sida de ye n lase "AFAS" la san 2001, o min ye sidatōw ka danmademētōn ye. Yen taali ye n hakilisigi n ka jigilatigedimi kan.

Barisa n b'a dōn kōni k'a kera ne o ne ma, ko n be don surun dō saya kūnbēnbalī de makōnō. Ne yere b'a dōn ko n ma sida sōrō cēnimusoya sira kan. Nka farati de ye ne ta lase n ma. Ne dalen b'a la ko n ka bana ju bōra kundigibijē ladonkojuguya de la. Sida ma ni. Fura t'a la, awa jigilatige y'a taalan ye. Bi, hali ni ne b'a fe ka n hakili bo n yere kō walasa ka dijēnatige daamu sōrō, n te se. Sayamelekē n'a ka npānmuru be n kunna tuma bēe.

N balimaw, Ala barika la, sida te aw la. Awa aw kana sōn k'a la sōrō wale si sira minē. O fōlo ye ce-bēe walima muso-bēe fe jēnōgonya ye. A filanan ye maa wēre ka farikolo labenni minēn kōrō ; muru kōrō ; hali jinsusufēn ni kunsirifēn kōrōw ye. Olu fen o fen labaarato be se ka joli lase maa wēre ma. Sida ma ni. Fenjuguba don. Sida ma ni. A be maa ka dijēnatige don ngalama na, ka sōrō i m'i ka dijē diyabō dērē. "Ne dalen te nin kumalankolon si la, o laban ye ntatiñēna siso ye dē".

S. S. ka bō Bamako

Jekabaara sebēnnekulu n'a kalanbagaw bēe b'u ka dusukun jenafin jira madamu Sununba Jara ka faatuli kunkan. Yusufu Fane tēnēmuso don, min faatura zuwenkalo tile 16, san 2002. Ala k'a dayōrō neema.

An ka yele dōonin

An ka yele dōonin

Nin kera karamogoke dō ni josonna dō ye.

Karamogoke tōgo ye ko Juma, jodonna tōgo ye ko Alamisa. Don do la, ninnu mogo fila nana nōgōn tanpolima Bamakō dabanaani na. Karamogoke binna duguma. O girinna ka wuli, a ne dare jo kuru kan Alamisa bolo yōrō min, a k'o ma ko i kaafiri, Alamisa fana y'a jaabi ko : "i yere fana kaafiri, i mana geleya fen o fen ye jamana in kōnō, a bēe lajelen te aw no ye wa".

Juma ko Alamisa ma, ko : "Ni Juma jiginna sini, n b'a fo silamew ye".

Alamisa fana y'a jaabi, ko : "N'i y'a men Juma jiginna, o y'a sōrō a yelenna de".

Nbalimaw, kabini o kera, Alamisa tile binnē, Juma dugu ma je tugun. O don ni bi ce, Alamisa ni Juma ma nōgōn ye. Hali bi, u be ka nōgōn nini.

Meleké Lamina Nafan

ka bō Tomina Kataana

Kucala Kubeda fe, Konsegela Komini na.

## Fen min mana ne don ka teme nebo kan, a ciliko b'o kono

**W**orld Vision be baara la Bla serekili la, kabini san 1995. Dugu 251 nōgon be Bla serekili kono, World Vision ka kan ka baara ke minnu kono. An be waati min na i ko bi, World Vision be baara ke dugu 186 de kono. O baaraw be tali ke fen minnu kan, olu dōw file : sōroyiriwabaaraw (safunēdilan ; galadon ; nakobaaraw ; baganpasanlatulō ; sēmara ; dibaara ; bōgolan ; nōmagasan...) ; kēnya taabolo (dōgotōrōsojo ; nēgen, ni kōlōnsen...) kalankow. "Subazi", n'an k'o ma ko "ADP

de be bla Bazi kono. Fōlo, o ye "Bani-wale" ADP ye, n'a be wele ko "BVA". O be baara ke ka nesin Falo maara: tuna mara ani Bla n'a dafeduguw ma. Dugu 1117 de be BVA kono. Nka, an be waati min na i ko bi, an be baara ke dugu 87 de kono.

Filanen ye Yangaso ADP ye. Dugu 80 b'o kono. Nk'an be don min na i ko bi, baara be ke dugu 41 de kono.

Sabanan ye Jaramana ADP ye Dugu 24 b'o kono, baara kero dugu 24 in bee kono.

Naaninan ye kōloni ADP ye. Dugu 30 b'a kono. Baara kera dugu 16 de kono.

### Nakobaara

Nakobaara nesinnen be musow ni cew ma. Nka, kērenkērenneya la, musow. O nakobaara kun y'u demeni ye ka nafa sōro u yere ye. U be dege o baara kēcogo numan na. Nakobaara o be musow deme ka faatanya kēle ; ka musow yere tin don nōgon na ; ka yelma don dumuni dunta la ; ka bana misen dōw ben ; ka demedon ke ka nesin u ka kalanko ma ; ka siw maracogo numan ke san bee kono. Nakobaara in kera sababu ye foma ka musow deme k'u ka wariw mara nesigi ye, warimarayorow la.

Nakobaara temenen kō, musow be gakuru nafamaw dilan bōgo la. O kera sababu ye ka dō bō dōgotigé kojugu la. O be ke sababu ye fana ka do bo u ka baara la.

### BVA nēmaaw fō cogo nōgon kō.

- San 1994-1997 : Eli Keyita kera nēmaa fōlo ye
- San 1997-2001 : Zosiye Sogoba y'o nōnabila
- San 2001 fo sisan, a nēmaaya be Piyeri Sayi bolo

Worokiyatu Danbele  
Bla World Vision kalanko  
kōlosibaga



Worokiatou Danbele (kinife)

## Ce ni muso yiriwali

**C**ni muso ye mōgosuguya fila ye, Diñeso kono, ce ni muso taabolo ye nōgondemé ye. Ut se ka taa nōgon kō.

Dōnni ni faamuya be yelma-yelema ce ni muso de ce diñeso kono.

Dōnni ni faamuya ka kan ce ni muso bee la. Nafa si te mōgo la n'i

ma faamuya ni dōnniya sōro. O dun te ne kalan kō.

Kalan ye hadamadenya taabolo yeelen ye, yiriwali nasira kan.

O tuma, muso ka kalan i n'a fo ce.

Sabu la nētaa ni yiriwali sun sigilen don u fila kan. Ka kalan walasa ka faamuya sōro an faso kan na, o nōgon te. Ce be baara

min ke muso fana k'o ke, ce te yiriwa muso kō, muso fana te yiriwa ce kō.

U be nōgon dafa tuma bee. O tuma, an k'an hakili to musow kalan na.

Sabu la musow de ye nētaa ni yiriwali sinsinnaw ye.

Aw ni ce aw ka tulomajō la.

Dulayi Goyita  
Animateri don pogoso  
Guwaji kawo komini na.

# "World vision" ka jōsimasinko kera sababu ye ka Fungoso musow ka sōro yiriwa

Fungoso ye dugu ye min bē sorobaso komini fē. A ni Ntōgonaso cē ye kilomètre 11 ye tilebinyanfan fē.

Munu ni sabali kotonogontala ni nōgonfaamu ye. Fungoso musow taalan ye. O hukumu kōnō, san 1998, yen musow ni "World vision" bolo donna nōgon bolo baaranogonya siratigé la. K'a ta san 1998 la kana se san 2002 nan ma, "World vision" ye baara minnu kē Fungoso dugu kōnō, olu file : A ye nakō dō laben dugu musow ye, ka kalanko fana sigi senkan, k'u dēmē n'o kēminenw ye. Ali Danbele ka fō la, ale min ye dugu in balikukalan karamogo ye, nakobaara kera sababu ye ka sugumusow tin don nōgon na, ka fara nafamako dugumusow tin dan nōgon na, ka fara nafamako wewew kan minnu bē se ka dugu ka jētaa sabati.

O temenén kō, "World vision" ye Fungoso musow dege saniyalí baaraw la, ani denw ka serinintobi ka k'i denw ma walasa u balocogo bē ne cogo min na.

O kōfē, a ye dugu ka kōlōn kōrō 4 da laben walasa dugumago w bē ji saniyalen sōro k'a min. O bolen kō yen, a ye jōsimansin kelen di dugumusow ma, min ye baara damine san 2001 nan setanburukalo la. Ali Danbele ka fō la, mansin ye kalo 8 nōgon ke baara la. Ka d'a kan, k(a ta san 2001 nan setanburu kalo fo kana se san 2001 nan awirilikalo ma, o bē bēn kalo 8 ma. O kalo 8 in kōnō, mansin ye wari min ladon

Fungoso musow ka kēsu kōnō, o benna sefawri dōrōme ba bi duuru ni fila ani kēmē woɔrō ni tan ni wolonwula ma min sōro cogo file :

San 2001 nan setanburukalo : Dōrōme 2-999

Oku tōburukalo : dōrōme 6 323

Nowanburukalo : dōrōme 7 620

Desanburukalo : dōrōme 4 748

Zanwuyekalo san 2002 : dōrōme 7 050

Feburuyekalo san 2002 : dōrōme 7 150

Marisikalo san 2002 : dōrōme 7 446

Awirikalo san 2002 : dōrōme 9 281

O tuma, n'i ye nin da ninnu kafo nōgon kan, o bē bēn an ka fōlen ma n'o ye sefawari dōrōme ba 52 617 ma.

Fen min ye Fungosokaw hakilina ye u ni "World vision" cē baaranogonya la, u ka dugutigi Dirisa Danbele y'a ka nisondiya jira u ni "World vision" ka jēnōgonya nafaw kan u ka dugu la. O temenén kō, a ko hali b'i, a bē dēmē kuraw jini "World vision" fē, minnu file : 1, ka balikukalanso kura jo u ye, walasa kalanko bē sabati dugumaaw bolo ka t'a fē. O bolen kō yen, a Fungoso ni Nizanso cē pōn ka laben u ye walasa k'o furance taama nōgoya ni bolifen lunbaw ye. Kunnafoni kuncé la, Dirisa Danbele y'a kuma laban ni foli ye ka jēsin "World vision" baarakela bēe lajelen ma Bamako fo Koro.

**Yusufu Fane**

## Ka bō Waara

Waara ye dugu ye min bē Koromo Komini na. A ni Ntōgonaso cē ye kilomètre 16 ye Kēneka tilebin-sen. Ne Adama Danbele nisondiyalen bē nin bataki ci Jekabaara nōmogoyaso la Bamako, k'aw fo aw ka baara numan na, k'aw walenumandōn.

Ne b'aw ladōnniya ko "World Vision" ye baara damine aw ka dugu kōnō san 1998.

A ye balikukalanso jo anw fē, k'a jēgen saba (3) nōgon sen anw fē, ka misisogoyōrō fana dilan anw ka dugu kōnō. O temenén kō, a ye balikukalan karamogo fana kalan k'o jo kosebē. O siratigé la, n bē "World Vision" fo kosebē a ka jētaabaaraw waleyali la. Nka n b'a

nini "World Vision" fē, a ka anw dēmē ni giriysi (nēgesinsan) ye walasa kalandenw bē se ka nakobaara kē cogo min na. O temenén kō, n b'a nini "World Vision" fē a kana jini balikukalan karamogow kō. Ka d'a kan, karamogo caman bē baara kē dugu kōnō k'a sōro dugumogow mako t'u la. O hukumu kōnō, n b'a nini "World Vision" fē u kana karamogow bila u bolo kōfē fiyewu. "World Vision" nana Waara san min na, kalanden bi saba ni "Wolonwula" (37) tun bē kalanso, kōnō olu ye san saba (3) ke kalan na. Mogo bi saba ni saba (33) bēe lajelen kera kalanden jolenw ye dugu kōnō. A to mogo naani farala kalanden kuraw kan ka sansabakalan wewē kē. An bē don min na i

n'a fō bi, kalanden minnu b'an bolo, o bē se maa bi saba (30) ma. Cemanin tan (18) ani musomanin tan ni fila (12) ye.

Nin b'a jira ko kalanden jolen caya-ra Waara san 3 in na. O siratigé la, an bē "World Vision" fo a ka jētaabaaraw la kosebē k'a walenumandōn. O temenén kō, "World Vision" kera sababu ye ka saniya baara sabati anw ka dugu kōnō.

Kunnafoni kuncé la, n bē n ka jēmogó Dadugu Kulubali fo Ntōgonaso "World Vision" na. O temenén kō, n bē karamogōnogōn w bēe lajelen fo u ka cesiri n'u ka timi-nandiya la kalanko siratigé la.

**Adama Danbele**  
**World Vision karamogo don ka bō**  
**Waara Koromo Komini na**

## Koori furakeli Koorisi jolan na

**B**amananw ko "dugu bila kafisa ni laada wuli ye" wa u y'a fo tuguni ko "mogo donnen don ni duloki min ye, ni y'o bo k'o fili, i laban be ke donbaga latili ye".

Ola sa, nin kuma koro fila bee ye tijne ye. An be b'a don ko kabini koorisene daminewaati, koorisi tun bee di cikelaw ma an'a sijolan. N'ka san damadou ninnu kono, a kolosira ko cikela fanba te sijolan ke k'u ka koorisi furake. O wale ye wale cejuguba ye, bawo n'i ma koorisi furake ni koorisijolan ye, a be ke sababu ye ka caman bo i ka soro la.

Ka da mun kan ?

Sijolan nafa ka bon kosebe koori soro la. Koori soro dulonnen don wale damadow la. Olu ye :

- koorisun hake min be tari kelen kono

- koorikuru hake min be koorisunw la.

Ninnu bee be sen koro matintin, koorisun ka degunnibaliya, e ka nemamaya kono. Wa koorisijolan be ke sababu ye ka ninnu bee mata-

rafa.

Sanni ka to i ka koorisi dan dugu la, n'i ya furake sijolan na, o be ke sababu ye k'a kisi :

- dugumafew ka tijeli ma, o b'a to i ka koorisi dannenw be falen ka ne.

Wa n'u falenna ka ne, i ka kooriforo sun be fa. Nininkelaw y'a jira ko koori tari kelen na, koorisun 82 000 ka kan ka soro. E min be ka nin kalan, e k'i yere laje nin jateden in kono.

Mun na e t'a soro ? i b'a soro e te i ka koorisi furake sijolan na.

O bolen ko yen n'i ye koori furake sijolan na koorisunw be lakana fo tile 40 danni kofe. O b'a to, bana misen caman werew be yen minnu ti ka koorisunw soro.

Wa i ka soro lakanalen don.

Ne balimake, fo i k'a don ko n'i ma i ka koorisi furake ni koorisijolan ye, k'i be k'i yere ma jugu ye, mogo kana ke n'keren ye k'i yere furufara.

Mogo mana koro dali ma cogo

o cogo ; fo i k'i sigi folo.

An sisan denminsennw anw katin baaraw ma, foyi te k'a cogo la bilen.

Ola sa, an k'a laje bee k'i ka koorisi furake ni koorisijolan ye ninan cikesan kono. N'o banger min na, san were anw n'o fo jogon ye. N'o kera anw tene laada wuli, wa an tene ke donbagalafili ye.

**Yusufu Jimé Sidibe**  
Fana CMDT cikemara Kalanfa

### Nafolo ko di a tigi ma

Sogoma o sogoma, nafolo be nin kumakan saba de fo a tigi ye :

- N tigi, ni ne ma e labanko ne, ne b'i labanko tige.

- N tigi, ni ne ma e ni maaw ce ne, ne be e ni maaw ce tige.

- N tigi, ni ne ma e don arijana kono, ne be e don jahanama kono.

An k'an hakili to nin na, n'o kera nafolo be k'an ta ye, ka soro an ma ke a ka jor ye.

**Tumani Yalam Sidibe**

## Keleya Zayeriw kunnafoni

n'a fo an y'a dantigé aw ye cogo min na boko temenen kono, an bena an ka jemukanw lase aw ma keleya dugu kan nin yoro in na.


Taabolo saba de be jemukan in kono :

- Keleya be cogodi zayerikunti-giw ka fo la ?

- keleya be cogo di duguyiri-watou nemogow ka fo la ?

- keleya be cogo di ji ni kungo baarada nemogow ka fo la ?

An b'a jira aw la ko keleya ye CMDT ka Buguni cikemara Zayeriw do ye, min dugu sigilen be Bamako ni Buguni ce, ni kilometere 100 ye. i n'a fo an da ser'a ma boko temenen kono aw ye cogo min,



keleya ye senekeduguba ye. An dalen b'a la k'an be tila nin taabolo saba bee kalanni na waati min aw bena dije n'an ka fota ye.

Taabolo folo : nininkali ka nesin Iburahima Baba Jara ma, n'o ye keleya Zayerikunti do ye.

**nininkali** : An balimake iburahima Baba Jara an b'a fe i ka kuma an ye i ka zayeri kan.

**Jabi** : Ne de ye keleya II (filanan) Zayerikunti ye. ninan ye n ye n ka baarasan folo la zayeri in kunna. Anw ka koori seneta lahala ye nin ye. N'i ye cikedaw laje, salon, cikeda 288 de ye koorisene ke an bara yan. An bena kuma olu de kan sannifeere taabolo kan. O cikeda 288 ye koori tari 482 de cike. An hakili b'a la fana ko koori toni 530 de bena soro o kene senen na. Sannifeere ma kuncé an bara

yan folo. Nk'o n'a ta bee, toni 523 de sannifeere ker'an fe ka ban. Toni 7 de b'an ka soro bolodalen je. Nka an to tora dugu kelen ye min sannifeere ma ke folo. O b'a jira k'an ka ninan koori sannen be toni 550 soro. An be bolodalen kosaqon ni toni 20 jogon ye. O kemetilada be taa jo kilo 105 de la (% 105).

- **nininkali** : i dun be se ka mun fo an ye i ka zayeri sigicogo n'a duguw lahala kan?

- **jaabi** : i n'a fo n bora k'a fi ye cogo min na, nin ye n san folo ye kanpani na yan. Dugu wooc (6) de be ne ka Zayeri kono. Olu ye : jala ; jalakoro, Ntene ; Magana ; Sagala ani tiyon ye. Ka nesin kooriko ma, dugu wooc ninnu bee de be je ka tari 482 in senne. Olu ka soro be taa jo toni 530 la.

- **nininkali** : yoro bee n'a

nogoyakow don, i n'a fo yoro bëe n'a gelyakow don cogo min, yali i be se k'i da se i ka zayeri kono gelyaw ma an ye wa ?

- jaabi : San o san an be se an ka senekelaw ma k'u bilasira ni ladilikanw ye. O folo ye konkawuli ye. Ni sanji sorola dörön, i ka kon ka danni ke. O de nafa ka bon. O siratège la ne ka mögö fanba konna salon k'u ka danni ke. O de y'a to dugu saba soro dugu woɔɔrɔ ninnu na, minnu y'u ka koɔribɔ damine salon desanburukalo tile 10 folo kono, n'an k'o ma ko : "dekadi". Fen min ye Awew (duguyiriwatɔn) maaw kalanni ye sannifeerew baa raw ni netaakalan werew-la, an y'o k'olu kun yan. Awew kelen-kelen bëe ye mögö danmadow bila ka na o kalanw kanma. O kalanw kelen k'o, mögö seginna ka t'u ka duguw la desanburukalo (san 2001) tile 12. U y'u ka sannifeerew damine ka soro gelyea foyi ma don a la.

- nininkali : i yere y'an bilasira ka ban ! fen min ye Awew ka koɔri sugandilenw ye, u y'a caman ke kalite folo ye, minnu yera kalite filanya la ponbasikili la. O kera CMDT Awe caman kono. O kera cogo di aw bara yan ?

- Jaabi : Ne koni da ser'a ma n ka mögö bëe lajelen ye kalanyoro la. Fen min ye koɔri kalite segesegeli ye, i b'o ke ka ben a baara kalancogo de ma i fe. Buranyako ni siginogonyako, wali ma sokonoko te. Ni kalite ye min ye, i b'o de fo. Hali n'i buran de ta don. Dugu ka danaya soro b'o de la. Fen don min be segesegeli yoro were. O yoro were dun mana a ye ko kalite filanan don, a be ke kummasuuli ye dugu sannifeere jekulu bolo. O dun te taa dugu k'o. Anw ka baara y'u ladili n'u kalanni de ye. N'o kera, u ka kan ka se ka baara in k'a nema. A jirala ninan ko zayerikuntigiw ka baara ye ladiliw de ye sannifeere baaraw la. Kolɔsiligafew fana b'an bolo, an b'an ka baara kecogo kolɔsilenw seben minnu kono. Ne koni bara yan, dugu duuru minnu ka koɔri sannifeere kera ka ban, o bëe ta

kera kalite folo ye. O b'a jira ko n ka mögö y'u ka kalan de labaara, barisa hali koɔri selen Buguni Izini na, o fana y'a segesegeli ka ke kalite folo o ye. O b'a jira ko koɔri neko gelyea te ne ka zayeri kono. Dugu folo saba konna k'u ka koɔri bo. Fen min ye dugu saba tow ye, an ye kalansenw k'u kun, minnu b'a to u b'u ka koɔri bo ni ne numan ye kabinni foro la, ani k'u lase sow kono ka soro namajama t'a la. Basiw bilara duguma peselikelaw koro fana, peselikeyorow la. O b'a to koɔri be ta ka bo basikili kan, k'a ladon mobiliw kono, ka soro nogö ma soro a la.

- nininkali : Yali i be se ka kuma an ye i ka Zayeri Awew n'a APC lahala kan wa ?

- Jaabi : Fo ka se bi ma, ne ka zayeri bëe ye Awe ye folo. A dugu bëe. An ye tonsigiw ni jamalajew ke duguw kono, min b'u to aweya la k'u kun da APC kan. A yera jatemine de senfe ko gelyea be Aweko la. O jatemine kene kan, senekelaw yere tun be yen, CMDT mögö tun be yen ; awa, jamana nema caman fana tun be yen. Sisan an bëe ka lanini de ye, duguw bëe ka ke Awe ye. An be min yere lanini sen kan sisan, k'a jira u la ko sariya siratège la, "koperatifu" de ka ni ni Awe ni APC bëe ye. Bëe ka soro be "koperatifu" la.

- nininkali : Nin ye kuma kura ye dëre ! Mun be APC ni koperatifu fana bo nogon ma ?

- Jaabi : koɔrisenew dörön de jelen be APC kono. Senefen were senebaga be Awe kono : kaba ; no ; tiga... Hali n'i te koɔri sen, i be seben Awe kono. I ka minenw be d'i ma, i be minnu sara benkan kono. APC dun ye koɔrisenew danma de ka ton ye. N'e mögö min te koɔri sen, e tenu k'o tonden ye. Fen min dun ye koperatifu ye, o bëna sariya taasira de fe, min be goferenama ka sira fe. O ye fen ye min be lakodon a nema sariya siratège la. Baara kelen kebagu tönjekulu don, min lakodonnen don sariyaso fe.

- nininkali : fen min y'i ka zayeri

juruko ye, o be cogo di ?

- Jaabi : N ye fen min y'an ka sebenw la ka nesin salon koɔrisenbaliya waati gelyaw ma, o n'a ta bëe, juru karilen be mögö minnu kanna, o hake man ca ne bara yan. O hake te teme %2 kan. An be se k'a fo ko an ka mögö ka soro sankorotara ninan, ka masoro u wulila baara fe joona. Awa jiko gelyea fana ma s'u ma, kerenkerennenya la, dugu saba folo ninnu. O yere de kanma, olu ka soro barika girinyara ni dugu saba tow ta ye. Bi bi in na, o si juruko gelyea t'anw kan ne ka Awew kono bi. Soro fana kera a nema tari la. Barisa, tari kelen na, anw ka soro be se toni 1 ani kilo 210 ma. Ne yere dun hakili tun be min kan ka bi "koɔrikurutere" waati la, o tun ye toni kelen (1) ani kilo 82 de ye tari la. O b'a jira ko soro sankorotara ninan ka teme san temenenw ta kan, minnu tun te teme kilo 850 walima kilo 900 kan tari la. Nin kanma n'y'a jira n-ka kuma damine na k'anw bëna %105 de soro ke ninan. An tun y'a bisigi k'u ka tari soro tenu teme toni 1 ni kilo 82 kan. U dun taar'u yere soro toni 1 ni kilo 210 de la..

- nininkali : fen min y'i ka cikelaw ka minenko ye dun ?

- Jaabi : Aa ! An kònafiliyen don doonin o yoro la. Barisa, an ye jatemine caman ke Buguni mara kono. An ye folo ke k'o lase. An ni "PGR" mögö yere jera ka filanan baaraw ke Buguni. O kalan fana kera Awew bëe kun. O senfe, an y'a jira ko kemetilada la, maa ka juru man kan ka teme 50 kan (%50) walasa juru kana wuli i la. O baara kera salon.

A jirala ko senenafafen minnu barika man bon ka koɔri taw bo, ko k'olu juru fana seben a danma. O sebenw dun fana lasera CMDT la, Buguni "Sikowu" n'a "Cikelaw de bëna nogon kumanogonya walasa ka nogon (senenafafen) lase an ma. Fen min ye koɔrinogow ye, CMDT y'olu laseli damine an ma.

Nka, fen min ye sumannogow ye, halibi an m'olu ye folo. O de

kanma, n ko ko kamanagan do b'an na. An ka senekelew dun be k'an nininka o la.

- **Nininkali** : yali hakili tora musow joyoro la aw ka zayeri kono wa ?

- **Jaabi** : joyroba de koni be musow la zayeri kono yan. Musow ka senefen fanba ye malo de ye. O de kanma musow yere ka sumannogoko nininkali ka ca fan bee ni cew ye. Jaabi jenjen kelen si dun t'an bolo k'a d'u ma malonogo ni malo binfangalanko kan, fo n'a kera "a be ka na ye". A songo ma don ; a nawaati fana ma don, o b'an bila geleya kono cikelaw nekoro.

- **Nininkali** : Nakoko ni balikukalanko dun ?

- **Jaabi** : Balikukalan be k'an bara yan, hali ni geleya dow b'a la. An be mogow dusu lamin ka t'a ma koni, ka nesin duguw nemogow ma. A geleya folo ye min ye, o ye wari-ko donnent ye kalanko la. An k'a don k'an be kalan min ke k'o nafa b'an yere de kan folo sanni a ka se dugumogo tow ma. N'i dun m'a fo ko musakanin do be kalankelaw ye, u tu sebe don a ma. Dugu dun be

se k'a ka kalanko musakadow ta tile-binnani-ni duuru kalanw petoroliko ni dowerew la, doglawari sorolenw la. N'o kera kalan be taa ne, nonabila be soro kalanden jolenw la, olu n'u nogonna werew. Hali n'o musakaw te dugu kun, ube se ka bo dugu ka doglasarawari la. An k'a don k'an be dibi o dibi la bi, o ye kalanbaliya dibi de ye. Fen min ye n ka fota ye ka nesin nako ma, an k'a don k'an ka geleyaba sorota o siratoge la, o ye jiko geleya ye. Kolonw man ca ka s'o ma. Hali baganw yere, jiko geleya waati la, i be t'a soru olu ka minniko y'a danma baara ye jiko geleya de koson tilemafena kabinbagaw hake ka dogo kosebe an barayan. O de koson, yan nakobin fanba ye samine banwaati baara ye.

**Kuma laban** : Anw ka lajini ye de don do, cikelaw ka s'u yere koro fu mako tene ke anw yere la belen. O dun te taa kalan ni nogonfaamuya ko. Cikelaw k'a don ko anw sigikun y'olu de ye. Anw be yan olu ka netaa nejini n'a waleyali de kanma. N be keleya Zayeri fila beemogow fo. N b'aw yere fo.

**Iburahima Baba Jara** ko di jekabaara kun kan ?

"Folo, jekabaara tun be na a nema anw ka Zayeri kono. Nka, sisan geleya donna a la. Koorko geleya ni jiko geleya joyroba b'o geleya la jekabaarako la. Jekabaara tun te soru a waati la fana. Tumadou la a tun be se ka kalo fila ta ka soru a ma se a kalanbagaw ma. N hakili la, ni fura sorola a geleyaw la, keleya bee bema jekabaara ta. ko bee ye fokabenko ye. Keleyakaw yere b'a don ko balikukalan sinsinan ye jekabaara ye.

A be kunnafoni di a kalanbagaw ma dinenatige taasira bee fe : jamana Konokow ; sene yiriwabaa raw ; nafolo lamaracogo n'a labaracogo, fo ka se sigida ladonni ni baara werew ma, jekabaara ye CMDT ka cikanlaseseben kolo girin ye, min n'a nafa be nogon na.

**Kolsili** : boko nata kono, aw bema keleya Zayeri duguyiriaton nema da ka seereya kalan u ni CMDT cesiraw kan

**Nininkali kebaga**  
**Tumani yalam Sidibe**

### • Ce nana do taaara a da...

Faransi hakili koresen dankelen ka kuma te nkalon ye. N kan be Bilezi Pasikali de ma. Kabi san 1635, ale ko a ka hakilijagabow senfen ko "Adamaden ye binjunin de ye, min barika ka dogo ni dugukolokanfaw bee ye. Nka binjunin don min be miiri. O de kanma, a n'a ka fangantanya bee, a be dije koron ka don a sagonada fe".

Nin korefokan in tinetigiyara jama-

na baarada kono san 2002 zuwenkalo tile 14. O don, mali kunnafonilasebaga nana do taara da jigilatigesaya do senfe. Nin don, jumadon, Abubakari Salifu Jara ni keneya ani nisondiya ye tile fanba ke an cema, baarayoro la. Fen min y'a ka kunnafoniseben "Les Echos" sebenbagaw ye, a n'olu tun be ka baara ketaw boloda. Fo ka taa se jumaseli waati ma, Abubakari Salifu Jara n'an tun b'o nisondiya la nogon bolo. N ka, A la de ta y'a ka ko ye dere. Misiri kono, ka alimami to a ka kutuba lase diya la, dusukundimi cunna Abubakari kan. A cera ka se Gabiryeli Ture togoladogotoro so la. Yen, juma tile ma bin fewu, Ala y'a ka kalifa mine Abubakari la. A faatura k'a si to san 46 de la. Muso kelen ani den Saba tun b'a bolo.

An be dugawu ke Ala ka hine a la  
**Tumani Yalam Sidibe**

### Jekabaara

Labolikuntigi ni Sebennekulu kintigi

Tumani Yalam Sidibe

Sebennekulu

Yusufu Fane

Tumani Yalam Sidibe

Demelegonw

Fanta Kulubali

Idirisa Setigi Sako

Bonifasi Danbele

Negeenw kebaga

Yakuba Jara ko Kayi

Labenbaga ɔridinateri la

Worokiyatu So

Baarakelognonw

CMDT-World Wision-

Ofisi Nizeri-Ofisi iri-OHVN

Hake bota

11000

Batakisira : 2043

Negejurisira : 29 62 89

Jamana baarada-Seki zeyedi togola sira-Hamudalayi kin -Bamako

